

籌辦夷務始末

籌辦夷務始末卷之二十五

咸豐八年戊午五月乙亥直隸總督譚廷襄奏查大沽海口砲臺四座北岸砲臺係遊擊沙春元等駐守南岸第一舊砲臺係署總兵連年督同署副將德魁駐守第二中砲臺係都司訥勒和等駐守第三南砲臺係遊擊陳毅等駐守四月初八日夷船闖進內河開砲攻擊各砲臺先後開砲抵禦遊擊沙春元中砲陣亡北砲臺先陷其時連年等正在督令開砲擊損夷船數隻內有一隻被砲子夾入火輪之內不能進退該夷多人跌落舢板欲遁復被砲將舢板擊沈二隻在後夷船併力救護大砲炸破子落如雨砲

牆坍塌不能遮蔽。南礮臺著遊擊陳毅登時陣亡。礮臺之前兵不能支。礮臺之後勇亦潰散。遂致失陷。是夷船開礮之時。該署鎮等均煙竭力抵禦。尚非首先逃避。惟四礮臺駐兵將及三千。如果督令併力向前。何致一齊潰散。且潰散之後。不能立時招集。尤屬懦怯無能。貽誤事機。罪無可逭。相應據實恭奏。請

旨將已革署天津鎮總兵副將達年。已革署大沽協副將遊擊德魁。一併拏問。嚴審如何。退散確情。按律懲辦。都司訥勒和現無下落。是否陣亡。抑係逃避。再行確查。分別辦理。

諭內閣。譚廷襄奏。遵查失事總兵各員一摺。著天津鎮總兵副將

連年督同署副將德魁駐守礮臺不能督率兵勇認真抵禦以致礮臺失陷實屬畏葸無能連年德魁均著革職等因交譚廷襄嚴行審訊按律懲辦已革提督張殿元如何失事都司訥勒和尙無下落著譚廷襄一併查明具奏

譚廷襄又奏再侍郎國瑞原帶馬隊五百名續撥步隊五百名准借格林沁覆稱馬隊官兵於津郡防守不宜應仍移往楊村駐紮伏查津郡與楊村同係沿河地面楊村距津郡六十里夷船初至即經臣撥兵一千名與托明阿之兵會合設防今天津鎮存兵除陣亡傷亡及失迷未回外實止三千有零防守郡城並分撥四路巡查土匪數不為

多○城外綠營止有臣標及提標兵七百名○若將國瑞所帶兵一千名○再行移駐楊村○存兵過單○不獨民人驚疑○並恐火人輕視○此時刻刻須防其變○臣與國瑞熟商○楊村尚不緊急○所有前項馬步兵一千名○擬請仍准留津○如北路有警○迅勦截殺○尚可兼顧○

諭軍機大臣等○前因譚廷襄奏○請將國瑞所帶馬步官兵一千名○留津防守○諭令與僧格林沁商○如楊村必須此項官兵○仍須調回兼顧○本日復據奏稱○津郡兵力過單○仍請將前項官兵○准留津郡等語○津郡防守○於馬隊不甚相宜○設或由陸北竄○恐遲起無反○不如在前堵截○較為得力○著譚廷襄○仍將國瑞所帶馬

步兵一千名移紮楊村。交僧格林沁分撥布置。其天津應添防兵著該督於直隸附近各營內酌量抽調以補一千名之數。

丙子。

欽差大學士桂良。吏部尚書花沙納。侍郎銜耆英奏。竊自^於耆英到津後。桂良。花沙納。謹遵

諭旨。分別酌辦。以施駕馭之方。詎該夷等狡獪非常。消息最快。桂良。花沙納。委員傳知各夷。告以

大皇帝現派耆英辦理四國事務。該夷等早已窺破機關。即有不顧之意。且云非全權大臣。不能便宜行事。難與共議^於等。不揣冒昧。遣員告以奉

命來津。即可從權辦理。無如夷性多疑。牢不可破。^才者英。二十七

日抵津。二十八日往各夷拜晤。俄味兩酋。尚肯見面。喫

兩酋。或以照會回覆。或以書信推託。所有送來照會。仍書

^才桂良。花沙納兩衙。本日寅刻。承准軍機大臣密寄。奉

上諭。著英與桂良。花沙納。同是欽差。即日頒給關防。一體鈐用。等

因。欽此。^才等知照。各夷俾足見信。嗣後能否不再相疑。尚

難逆料。本日由直隸藩司錢忻和。呈來四月十五日何桂

清密函一件。另鈔恭呈。

御覽。可見該夷恃其強很。欲在內地通商。早已潛蓄此志。^才等深

知後患可虞。萬不可以准許。而此時四夷偏處。條約紛繁。

已有防不勝防之慮。連日督同隨員等。詳細商酌。不敢稍涉大意。然潰防頗易。就範甚難。再四思維。與其將來闖入。致成憤激。侵占之勢。不若權作。

恩准。養成彼驕我怒之形。俟各省軍務肅清。再為設法禁止。雖較未經允許者。多費心力。究與一朝潰散。不可收拾者有間。輕重緩急。權度再三。計無所施。恐不得不出此下策。若萬不得已。或於內江指一二處。准其通商。議明俟中國軍務肅清。再行酌辦。儻不遂其意。致該夷從而生心。非特無以仰紓。

聖懷。

等亦既有餘責。惟有相機妥辦。竭力羈縻。一俟議定之後。

即令該夷等速退兵船以安民心而全大局目下俄夷條約已定味夷今日在海光寺祇領

執書而定條約除馬神父及傳教兩款外餘與他夷條款畧同亦易定議惟味夷因江路通商及遊行內地兩事未敢輕定多方饒舌昨日該夷哮喘喘立逼應允無禮已極婉言暫行推卻本日復託俄味兩夷向味酋領嘴喻而商俟有回文再行詳奏至進京一節仍當設法消弭不敢固執

旨在先即行輕允

何桂清致錢忻和信

味夷於咸豐三年見我內地多故即起戎心經言兩山折

之以理。憚之以氣。而又推誠以結之。故能轉為我用。其推誠之法。必先破其疑團。該夷之最疑者。中華大吏。不將其苦衷據實具奏。因凡有關係夷務事件。止奉寄諭。不奉

明發。而准行事件。亦作為承辦之員意見。代為乞

恩。非由該夷求請。故不感激。而轉疑中華大吏。一味朦蔽。

聖聰也。吉兩山原得其故。遇有可行之事。即告以據實代奏。其不

可行之事。則告以爾等欲我代奏。不能不奏。然一經代奏。

大皇帝必將我革職治罪。我等相好。將此項紗帽。結交朋友。無甚

要緊。但不知爾等安否。設有出言悖謬之處。直告以頭可

斷事不能為該夷以為不欺。尊之曰吉大人。而中心誠服矣。現在之欲求。

陸見。欲求與全權大臣面晤。疑團未破也。好體面也。將此關打通。思過半矣。四夷中惟暎為大。俄最小。現來四首。暎首係該國之第二三人。坐而論道者。俄首不過一邊疆小吏耳。尊卑懸殊。若專恃暎俄代為說合。多一傳說之人。即夕一枝節。竊恐未必有成。即幸而集事。該二夷即據為奇功。要求之事。將不一而足。其將何以應之。暎夷通事中有嘔吧。呼啞咽二人。最為狡猾。呼啞咽在上海為司稅多年。最好體面。一切言語文移。均不能不出通事之手口。必得有人與

之聯絡佛夷通事呀。止。噲。四年冬。曾經謁見。星使當知其詳。佛夷所欲得者。雖不知何事。而其大要。不出四年分所請在鎮江漢口等處。設立馬頭。任其所之。佛夷所欲得者。給還京城天主堂。聽其各處行教。揆厥情形。准則俯首聽命。不准則為所欲為。前遞裕公相照會內。已情見乎詞。全仗星使之大法力。有以抑其虛憍之氣。而馴伏之也。若用武。則兵連禍結。斷乎不可。光承下問。謹將管見所及。附以奉聞。

桂良等又奏。四月二十九日。由兵部

頒到發給味夷

敕書奉

旨命桂良等發交該國使臣祇領等。等於奉到後。即知會該廷裏。

崇繪於本月初一日午刻。在海光寺發交味國使臣祇領。

再俄囉斯有呈遞大學士裕誠照會一件。交等者英代為

轉寄。謹咨行軍機處進呈。

硃批知道了。

諭軍機大臣等。前據桂良等奏。喚夷欲在江路通商。並欲於內地

任意往來。當以後患無窮。未經允准。並因耆英尚未與該夷會

晤。今其親向閩導設法杜絕。本日復據奏稱。喚佛兩酋。託故不

與耆英相見。而夷使呼喇喇。仍將前兩事。立逼應允。是其有意

要挾。專擇我萬不能允之事。故肆刁難。其實無非貪利。耆英既已接奉。同是欽差之旨。昨日發去關防。諒亦公同接受。可即宣示該夷。以釋其不能便宜行事之疑。並著桂良、花沙納先行拒絕於該夷。續請各事。概勿輕允。然後耆英出為轉圜。則該夷自當深信耆英。不致推託。前諭桂良等准於五口之外酌添兩小口。今既要求無厭。即著耆英酌許閩粵地方一大口。如仍未滿所欲。或再許一大口亦可。總須在閩粵地方。不得擅許內江地面。耆英素悉夷情。當知其利之所在。如與中國無甚傷礙。另有可令該夷獲利之處。儘可酌量許之。以免他患。如桂良等去時所定條款內有味夷所求五六十萬。未曾允准。如必懇求。即照

從前上海免稅之例。俟廣東開市後。酌免按月稅銀。此條可以
餌味矣。其喫梯有無類此款。尚屬有名者。亦不妨酌許。若大有
礙於中華者。仍不能允准也。俄夷欲請裕誠。攜帶伊國喇嘛學
生赴津。其意不過因裕誠係大學士。今桂良官職與裕誠同。而
又係欽差。如有要言。即可與桂良說知。自不必裕誠前往。其喇
嘛學生人等。日內即當派員送往天津。桂良等可即以此意覆
之。

俄囉斯咨文。

為咨行事。現在中國熟思憂患。欲圖迅救危急。其戰進京
一節。再不提及。惟祈貴大學士迅來天津。與俄面商機要。

俟見面時○祇一面將杜絕嘆唏兩國要求之法詳陳○一面將應議之處指陳○伏乞貴大學士將職欲行聲明之處均請酌量○以期中國無患○雖此次嘆夷幸獲利益○將來亦可斷絕要挾之漸○其杜絕之法○亦應陳明○所有職與大學士相商時○請將駐京達喇嘛一併帶津○

湖廣道御史尹耕雲奏○四月二十三日○桂良○花沙納會夷人於海光寺○嘆夷酋長頓喟陰帶兵三百餘名○持刀及火槍○另有夷酋十人作樂○數十人各帶腰刀○頓喟陰仰面朝天○擎著伊國女酋金銀夷書○桂良等示以寄○

諭○伊見白摺一開○楷字數行○怒立中堂○既無○

欽差關防。何以議事。即作樂舉槍揮刀而去。其哂俄味三箇來見。猖獗情形。大略相同。至要求之事。忽而十二條。忽而三十條。誑詐變詐。反覆萬端。該夷前此進天津城。聞譚廷襄未以寶奏。又騎馬在城上馳騁。以有和議。莫敢如何。踞望海樓。占住韓姓大宅。建造夷館。以待兵船之齊集。河水之兩漲。並以重價收買馬匹。勾結奸民。如此情形。而不早為戰守之計。一旦措手不及。諸臣皆不足惜。所可痛心者。幾輔數百萬生靈。我

皇上受

宣宗成皇帝付託之重。

列聖艱難。締造一統金甌。而根本之地。坐視顛播。左右大臣。非惘
喝之危詞。即阿諛之美語。務為祕密。不使外廷聞知。隱諱
愈深。訛言愈起。土崩瓦解之憂。雖悔何及。且其事亦非遂
無可為者。夷人最畏烈日灰塵。陸行數十里。疲困不支。其
長技除礮利有準。而為槍已不及我。挂槍二十餘步。僧格
林沁所挖箭桿河。已足淺擱其船。但須多開引河。即用挑
出之土。於運河兩岸築牆。使兵勇藉以避礮。凡天津一帶
州縣。悉令起圍。天津城已被夷船環其三面。張錦文辛榮
等素符人心。而張錦文尤有膽畧。今日之計。惟有以出奇
用張錦文辛榮。以堅守。用僧格林沁戰守之機。布置周密。

至該夷進京之說。聞廷臣有以為可許者。臣不知進京之後。我

皇上以何禮見之。使竟不出京。又當以何法逐之。今日京師譬如人身元氣已虛。猶可令外邪入乎。況其禍猶有不忍言者。我

皇上為億萬臣民之主。奈何輕一嘗試。出此下策。臣冒昧進言。伏乞

皇上為

宗社自重。

山西道御史惲世臨奏。現聞夷性漸馴。可以議撫。惟是現

議條款。外廷無從懸揣。臣以已往之事度之。則有萬不可
允准者。臣本籍江蘇。道光二十四年。曾赴上海。其時甫經
通商。城外設立夷館。夷人三五成羣。進城微逐。詢之土人。
始知夷館中傭工男女。皆本地民人。每人每月給番銀四
圓。甚有為之教讀者。該夷人傳天主教。皆其教者。夷人每
年助資銀兩。以三十兩為至少之數。貧民貪利。傳染日多。
地方官不敢禁止。近年聞蘇州省城。及嘉湖等處。均有夷
人往來矣。天津離京城二百餘里。若令設立夷館。則與上
海無異。其為人心之害。可勝言哉。且漸而至通州矣。漸而
至京城矣。禁則起釁。不禁則壞法。地方官何所適從。必將

隱忍蒙蔽○聽其來去自由○其中傳教賣膏等事○勢所必有○
萬一肆其犬羊之性○突然反噬○則其禍更有不忍言者矣○
者英從前辦理夷務○於夷人所請○率皆允許○即准其入店○
東省城一事○該夷轉以為負約在我○今日之釁○實由於此○
是者英毫無遠見卓識○久在

聖明洞鑒之中○此次

飭令辦理夷務○

聖心自有權衡○且愚未敢臆測○惟天津設立夷館○則閩繫匪輕○如
該夷果有此請○伏乞

宸衷獨斷○立予駁斥○其近歲各海口○亦不准其通商○專意用兵○不

國旦夕之安。而杜將來無窮之害。或謂夷船直抵天津。我兵失險。有不能不撫之勢。臣以此正猛虎入阱。可以計取之時也。夷船非遇大潮汐。不能出口。海外大船。不能入而救援。實同魚游釜底。僧格林沁。以重兵扼要。布置精嚴。若再激屬沿河居民。齊心團練。則成兜勦之勢。不待戰而夷情已餒。酌尤所請。必當就撫。是宜以戰守速撫議之成。不可以議撫而襲戰守之策。

戊寅。黑龍江將軍奕山奏。四月初五日。由省抵黑龍江城。即據卡官報稱。探得夷酋木哩斐岳幅。駕船下駛。大約初六日。可到海蘭泡。即令副都統吉拉明阿。前往會面。旋回。

述稱美首聲言。欲往關吞等處。辦理要事。不能在此
耽擱。再四挽留。始訂於初十日會見。嗣於初十日。美首率
領通事施沙木勒幅。並夷日數十人。登岸進城。通事傳說。
前因防範。美夷伊國來往。由黑龍江行駛。左岸蓋房。今年
續有數百人。船前來在此屯兵。幫助防範。美夷均有裨益。
黑龍江一帶。當初本係伊國地方。現在江左存居滿洲屯
戶。均令遷移江右存居。如有需費。伊國供給。至於兩國界
址。自沙畢奈嶺。迤東。額爾古納河。入黑龍江。烏蘇哩河。松
花江。至海。沿河各岸。半屬中國。半屬俄國。江內祇准我兩
國人船行走。他國船隻。不准往來。再俄國已經咨行中國。

理藩院。嗣後各海口。應一體通商。各派官員照管。黑龍江
亦可照此辦理。我二人俱係將軍之職。各奉主命前來。即
可定准。對換印文。兩國安靜。各守邊界等語。才答以兩國
分界。即以格爾畢齊河與安嶺為限。議定遵行。從無更改。
今若照伊等所議。斷難遽就允准。至通商一節。黑龍江地
方寒苦。並無出產。即米麵菜蔬。止教本地食用。不能與外
人交易。且民情兇悍。約束不周。致生嫌隙。有傷和睦。當及
早將人眾撤回。以全和好。並據理正言。與之辯論。該夷爭
執狡詐。理窮處。輒以防堵為詞。甚至推諉。不知紛紛議論。
至暮未定而散。次日己刻。夷酋仍帶原隨夷眾前來。照舊

款待。該夷將清字夷文呈遞閱看。言語更加荒謬。婉言開導至再。該夷一味狡詐。自覺詞窮。遵行告辭。回船。當派佐領愛紳泰。將夷文送回。旋據該夷首領通事。仍以清字夷文呈送前來。據稱。兩國和好。今將黑龍江左岸。北自精奇里河。南至霍勒木爾錦屯。其中舊居屯戶。仍令照常永遠安居。其餘空曠地方。均與俄國為界。以便屯兵防範。該夷又稱通商一事。仍照海口等處章程辦理。各派人員照料。又額爾古納河。黑龍江。松花江。烏蘇哩等河。至海。凡沿河各岸。一半屬於中國。一半屬於俄國為界。江中止准中國與俄國人船行走。不准他國來往等語。欲將文內以河為

界字樣刪改。是以隨派佐領受神奏。攜文前赴夷船相商。
旋據稟稱。木酋將文留下。聲言以河為界字樣。斷不能刪
改。其餘別事。明日進城再議。連日等候。木酋推病未來。迨
至十四日午刻。木酋帶夷目數人。忽到寓所。接閱夷文。並
未刪改。即向其正言議論。又因烏蘇哩河等處。係吉林地
面。礙難懸擬。轉向吉林委員三隆。詰問情形。該員答以尚
須查明再定。議論未終。木酋勃然大怒。舉止猖狂。向通事
大聲喧嚷。不知作何言語。將夷文收起。不辭而起。委員等
詢問通事施沙木勒幅。木酋因何動怒。通事不答。但言明
日再送字。來夷眾數數返回。對岸泊船。先是木酋未來之

前○有○夷○船○五○隻○夷○人○數○百○名○軍○械○俱○全○順○流○而○下○行○十○數
里○停○泊○木○酋○來○時○隨○有○大○船○二○隻○夷○人○二○三○百○名○槍○礮○軍
械○俱○全○泊○於○江○之○東○岸○尚○屬○安○靜○自○木○酋○忿○怒○回○船○後○夜
間○瞭○望○夷○船○火○光○明○亮○槍○礮○聲○音○不○斷○次○日○早○間○副○都○統
吉○拉○明○阿○暨○大○小○官○員○等○來○見○稟○稱○木○酋○昨○日○因○會○議○分
界○未○允○夜○間○施○放○槍○礮○勢○在○有○意○尋○釁○又○恃○有○人○船○在○後
僅○一○舉○動○必○致○難○休○現○在○江○之○東○岸○存○居○屯○戶○男○女○驚○惶
進○城○哀○懇○設○法○護○庇○僅○有○緩○急○雖○有○豫○備○兵○丁○西○丹○等○防
護○城○垣○恐○難○兼○顧○屯○戶○不○得○不○據○實○稟○明○設○法○安○撫○等○語
當○飭○協○領○等○官○密○為○撫○諭○江○左○屯○戶○人○眾○照○常○安○居○一○面

派員前赴夷船。以問好為詞。會見木酋。探其光景。見該夷
仍帶倨傲之態。令通事向委員說。日前你們大人約我會
見你們將軍。議定界址。我本不去。你們大人再四相強。礙
難不允。及至會見後。所議條款。多不允准。並言不敢擅專。
必須奏明。方可議定。現今俄國之人。在吉林地界。闖吞奇
吉等處。屯居多年。豈有不知之理。彼處有俄國之兵。可保
喫夷不敢前來侵擾。黑龍江所居屯戶。我能主掌。不令遷
移。你們將軍。既係奉命前來。分定界址。豈不能定奪。所有
議定兩國交界。俄國前已行知。

大清國理藩院准行。並未駁回。你們將軍。乃係親任大臣。不肯

應允。明係故意推諉。你既奉將軍之命前來問好。尚有兩
國和睦之意。我明日使通事寫字前來。見你們將軍。若可
照字辦理。即行對換畫押文字。彼此為憑。以全和好。如若
不能。我即檢江左屯戶。不准存居等語。十五日已刻。本首
使通事前來。呈遞清字夷文。語雖含混取巧。較之前文畧
覺簡明。且字內已將江左屯戶居處讓出。此外本係空曠
地面。現無居人。至松花江。烏蘇哩河等處。地屬吉林。未敢
酌准。但該夷業經占居濶吞奇吉處所。字內又寫烏蘇哩
河至海。以為中國俄國同管之地。議請通商一節。亦可比
照海口等處辦理。現在劃辦分界。本不當遲就了事。均應

查照舊例。分定為是。第勢處萬難。若不從權酌辦。換給文字。必致夷酋憤激。立起釁端。勢難安撫。實於邊疆大有關係。是以不揣冒昧。暫安夷人豺狼之心。允其所請。換給畫押文字。以舒眉急。該夷換字後。即將人眾船隻退去。於十六日返回海蘭泡。據稱暫居數日。即往闊吞等處。辦理要事。現在海蘭泡居夷。照常安靜。

諭軍機大臣等。前因俄夷於地界一節。言語反覆。曾諭知奕山。與木哩斐岳幅。會勘時。當查照從前界碑。與之剖辨。不可遷就了事。茲據該將軍奏。會晤夷酋。酌議地界。該夷酋所請黑龍江左岸舊居屯戶之外。所餘空曠地方。給與該夷安靜存居。並江中

准其行走等情。奕山因恐起釁。並因與屯戶生計。尚無妨礙。業已悉行允許。自係從權辦理。限於時勢不得已也。惟該處既給與俄夷。又恐民夷雜處。致滋事端。奕山當妥為彈壓。毋稍大意。其松花江。烏蘇哩。綏芬等河。界屬吉林。距興安嶺遠近。奕山不能懸揣。即著景瀉。迅速查明。如亦係空曠地方。自可與黑龍江一律辦理。僅該處本有居人。一旦為夷占踞。與我國屯丁耕作。均有妨礙。景瀉當咨明奕山。仍應與該酋據理剖辨。不可一概允許。又滋後患。至該夷所請於黑龍江通商之事。即著奕山體察情形。妥籌條約。一面仍嚴密防範。設法駕馭。毋令該夷既遂所欲。更肆要求。無厭也。

大清國御前大臣黑龍江將軍宗室奕山○與俄羅斯國東錫畢爾將軍木哩契岳幅○欲期兩國永遠相好○各屬之人彼此有益○及防範外國○公同商定○

一黑龍江○松花江○左岸○自額爾古納河○至松花江海口○為俄國所屬○右岸順江○至烏蘇哩江○為

大清國所屬○自烏蘇哩○至海○所有地方毗連兩國交界之間○為大清俄國同管之地○黑龍松花烏蘇哩各江○只許

大清俄國往來○別國船隻○不准行走○黑龍江左岸○自精奇里河○至霍爾莫勒晉莊○原居滿洲人等○仍令照常居住○歸

大清國官員管轄○不准俄國人等擾害○

一兩國所屬之人。永相和好。烏蘇哩黑龍江。松花江。居住
兩國之人。准其彼此貿易。兩岸商人。責成官員。互相照看。
大清國黑龍江將軍宗室奕山。與俄國吉那拉勒。圖畢爾那托
爾。米哩。斐岳。幅。公同商定。永遠無悖。

欽差大學士桂良。吏部尚書。花沙納。侍郎銜耆英。奏。前日。英夷李
泰。囑負氣回船後。等。託俄味西夷。向說。次日。該夷李泰
囑。復與該夷通事喊。唆。嗎。同來。聲言。伊國欽差。令彼二人
催取照會。如本日。不給。伊帶回。即帶兵。直入京師。等語。可
惡已極。各夷初到天津。並不騷擾百姓。近來。頗有搶奪馬
匹。占踞房屋等情。等。深知該夷情急。不肯再候商酌。而

事處萬難。豈能昧良喪心。輕為允許。展轉思維。又經數日。竊恐該夷再事決裂。萬不能設法挽回。與其目前潰敗。不可收拾。不如姑為羈縻。徐圖補救。況自廣東殘破後。葉名琛所存夷務舊案。皆為英夷搜去。向來辦法。彼盡窺破。駕馭無術。智勇俱窮。現在津郡兵民。兩不足恃。一經變亂。孱弱等身不足惜。其如京畿密邇。迥與他處不同。是以不揣冒昧。將大概條款。暫為允諾。所有內地通商。遊歷各省兩節。允於軍務完竣後酌辦。兵費一節。推交廣東辦理。進京一節。約俟暖期再議。他如不禁傳教。會理海盜。酌改文書。商量稅則。俱已允其大概。未知該夷回文如何。恐尚有許多

鏡舌。曰文一到。即可早定章程。令其速退兵船。以安人心。而全大局。至於俄夷條約。較易為力。俄味兩夷條約。已在商辦。均俟得有頭緒。再將詳細條目。開單具奏。如此辦理。諒已可無決裂之虞。

諭軍機大臣等。桂良等奏。領到關防。並陳現辦情形一摺。喫夷嗜利逞強。專擇萬不能允之事。故肆刁難。桂良等。遽為所懾。竟將內地通商。游歷各省兩節。允俟軍務完竣後酌辦。輕為許諾。但顧目前。必貽無窮後患。即兵費推交廣東。進京約俟再議。雖屬萬不得已。姑為羈縻之計。惟日後不能踐言。轉致失信於該夷。釐端復起。前據桂良等鈔呈何桂清書函。所稱折服夷人。當示

以誠信○擇其可允者允之○其必不能允者○即正言拒絕○不可游
移○桂良等○惟當將添口減稅各條○與之以利○若必事事皆准○何
用大臣會議耶○本日據奕山奏○已會同英荷木哩斐岳幅○將烏
蘇里河至海口等處○分界通商事宜○合約定議○桂良等○即可藉
此一事○告知俄荷○諒伊必早有所聞○惟中國與爾國○二百年相
好○故能如此優厚○至喫佛二國○現踞廣東○斷難盡如所請○而喫
佛等○情形兇悍○恐一旦決裂○枉費爾等○說合好意○喫佛二酋
來至天津○本應置之不理○皆因俄國前來說合○聲言並無惡意○
是以未與用武○不料該二國先開大礮○直赴天津府城○迄今未
有定議○今俄國已准五口通商○又在黑龍江定約○諸事皆定○理

應為中國出力。向英佛二國講理。杜其不惜之請。速了此事。方能對得住中國。若不能挽回。我三人不能辦理。即日回京。現有僧格林沁帶兵在後。聽英辦理。但兵端一開。不能再議撫局。不但各國均無所益。即爾公使為好之本心。亦難剖白矣。如此晚論。看其如何轉圜。再行酌辦。

桂良。花沙納。又奏。者英自到津後。英佛二夷。不與相見。深懷疑貳。者英前到俄囉斯處。得見普提雅廷。即告以如上。英船必須小心。者英不解其故。及往拜英酋。果不肯見。嗣於咪夷處。忽見從前所定條約印冊。者英心即詫異。詢以此件何由到手。據咪酋云。咪夷攻破廣東。葉名琛被擄。逆

將中國辦理夷務黃箱取出。不但我味國條約在內。即歷年寄

諭摺件。均為喫夷所得。並問條約印冊。應藏京師。何以存在廣東。者英告以想因質對要事。奏請

發出備查。者英曰公館後。心益生疑。及昨日戌刻。喫夷呼喚復來。偏取照會。等。與者英公司接見。正在辯駁條約間。喫夷喊喚。於坐前呈出一件。即係當年者英具奏。取夷情形密摺。語多賤薄夷人。且有

宣宗成皇帝硃批。等。不勝駭異。連日聞人傳說。謂喫夷因從前受其愚弄。有欲報復之意。禍且不測。等。因思者英一人

之休戚實與

國體攸關。若令該夷得逞志於耆英。止於和局大有妨礙。與其事後不能措手。不如豫為防範。以杜其奸險之謀。惟有

籲求

皇上格外

天恩。准耆英進京。面陳夷情。既可免意外之虞。亦可將天津現在夷情。詳細具陳。

諭軍機大臣等。前因耆英素悉夷情。特降旨發去欽差關防。與桂良。花沙納。公同接受。一體鈐用。親向該夷開導。以冀轉圜。茲據桂良等奏。耆英自到津後。嘆唏兩夷。不與相見。深懷疑貳。請飭

回京等語。考英係原定和約之人。於該夷一切情形。素所深悉。照朕此次棄瑕錄用。畀以欽差重任。專辦夷務。已有旨毋庸事。會同桂良等辦理。至各夷所請各條內。定議准駁。總期於中國無礙者。酌量允行。現在桂良等雖同是欽差。而於夷情一切。未若耆英熟悉。何以忽有代奏回京之請。耆英並未列銜。是何意見。究竟此事。耆英若何辦理。著即通籌具奏。

又

諭。前據羅惇衍等奏。進紮花縣。激勵紳團。密籌克復省城。並片陳江國霖等媚夷各情。均經諭令黃宗漢與該侍郎等。密商舉動。並將該藩司等懲辦。計該大臣當已行抵粵省。所有調兵集餉。

輯民懷夷各事宜。想能遵照諭旨。妥為辦理。廣東文武各官。受
夷挾制。殊堪痛恨。本擬俟黃宗漢查參懲辦。乃本日據江國霖
奏。竟以籌勦西江軍務為名。擅自出省。該藩司於夷人入城。失
去庫項。咎已難辭。復敢抽身遠出。置夷務於不顧。更出情理之
外。已降旨將江國霖革職。交黃宗漢審訊。其廣東布政使著畢
永昭補授。畢永昭本係黃宗漢隨帶之員。現已擢任藩司。籌備
餉需各事。即著責成督辦。江國霖素性貪巧。曾據羅悖衍等參
奏。首鼠兩端。每月朔日。率各官與夷人會面。受其約束。曾到花
縣求饒攻城。並有恐復罪於夷。不回省城等語。此次藉詞勦匪。
居心已可概見。黃宗漢務當嚴切審訊。無令遁飾。其前諭撤參

之署臬司蔡振武。及拏問之革道俞文詔。一著按照所奏嚴辦。夷船到津。攻奪砲臺後。逼脅要求。多不可准。撫局未易定議。廣東團練現辦情形若何。著該督隨時馳奏。以慰廑念。

直隸總督譚廷襄奏。伏思夷船初到。即以錢物誘我貧民。其時大眾驚惶。紛然遷徙。經臣設法撫定。漸次安集。而游手無業之輩。轉與該夷交接。毫無畏懼。且恐其聯絡勾結。即令張錦文等。設一公局。代買食物。不准夷人上岸。亦不准民人登船。各自稽查。其初尚能遵守。迨後夷使居住望海樓等處空房。未免有跟隨乘便間行者。復令兵民隨地攔阻。亦即回去。並未抗拒。前有俄國之人在東浮橋與鋪

民爭鬧。網送該夷責懲。昨有哄沸之人。強進民房。被剝衣帽逸去。今又有在金家寨滋擾。及占用望海樓後。曰民房。生數間之事。該民人皆懷忿恨。誠恐因此。即肇釁端。前經臣飭令集團。不下萬人。暗分地段。互相聯絡。現復告以議撫與議守二事。並行不肯。議撫所以安民。議守亦所以衛民。嗣後該夷如能斂跡。仍可相安無事。儻竟四出騷擾。亦必與之理論。但不得遽傷其命。致悞大局。

硃批知道了。

譚廷襄又奏。再侍郎國瑞所帶馬步隊一千名。欽奉

上諭。飭令移紮楊村。交僧格林沁分撥布置。除奉

旨飭調宣化鎮兵一千名赴通外。其餘各鎮協已無可調之兵。惟查有派往閘州防堵天津鎮兵四百名。現尚無事。已飭副將田在田。就便管帶來津備用。

硃批知道了。

禮部尚書瑞麟奏。查看得老米店之西北黃莊以前有河身曲折。由東北灣。正可釘筏抵禦。河內用數丈大木。二尺餘寸鐵釘。做成木排。橫河塞流。以遏夷船前進。堤上高築土牆。外有濠溝丈餘。使逆夷難於駛入。內有槍礮眼孔。隨手可以打出。我兵藏伏其中。逆夷即用礮礮火箭。亦無所施。其伎倆。實與托明阿會辦已有頭緒。而木筏尚未備齊。

若候工竣。恐稽時日。先將布置情形具奏。即遵

旨來京親聆

聖訓。俾得遵循。

硃批。知道了。

已卯。巡防王大臣惠親王。怡親王。載垣。鄭親王。端華。奏。竊

臣綿愉。於本月初四日。由僧格林沁軍營旋京。途次接據

僧格林沁專差送到耆英致伊信函一件。悉耆英業已由

津旋回。臣綿愉展閱。不勝駭異。隨將原信攜至巡防處。與

臣載垣。端華。公同密看。均極驚訝。伏思臣等以耆英熟習

夷情。是以密請

派赴天津料理喪務。該員係獲罪之人。復蒙

恩棄瑕錄用。宜如何激發天良。盡心籌畫。詎意以喪情巨測。並未

辦有頭緒。祇欲藉辭卸肩。未奉

特旨。竟敢先自回京。其是恩無能。辜

恩誤

國之處。殊堪痛恨。又查該員信內。有初五日辰巳之間。可抵

僧格林沁軍營之語。臣等擬請

飭下僧格林沁。將該員在營說明後。即行正法。以昭炯戒。至臣等

無知人之明。以致濫行保舉。咎無可辭。應請

旨將臣等。庸愴。載垣。端華。從重治罪。

初二日申刻。拜奉鈞函。達荷垂問。夷情。惟嘆夷仍驕悍。異常。昨日夷民。即有尋釁欲行爭鬪光景。英仰蒙

皇上天恩。誓死報効。初一日。喚夷通事。在桂中堂公館。坐索照會。並將伊等攻破廣東省城時。所得文牋文案內。有英密奏夷情。

硃批。摺件。出令大眾閱看。硃為可。該從經公同商酌。英赴天津。聖意原謂熟習夷情。素來見信。以便設法羈縻。不意出閱摺件。蓋是當年辱罵該夷之言。緣日前已有傳聞。謂該夷已藏禍心。欲圖報復。英一人休戚生元。殊無關繫。惟撫月正在將定未定之時。萬一該夷思欲狡焉一逞。則關係全局。大為

可虞之至。萬不得已。本日已將此情密奏。是以英即刻回京。擬在通州聽候。初五日辰巳之間。可趨詣麾下。面陳一切耳。

硃批。此摺并信函。著惠親王等。與恭親王。博郡王。軍機大臣。公同閱看定酌。

恭親王。博郡王。軍機大臣。彭薩。章。和。後。穆。蔭。柱。翰。奏。本日蒙

發下惠親王等摺。著英信函。奉

硃筆。此摺並信函。著惠親王等。與恭親王。博郡王。軍機大臣。公同閱看定酌。欽此。等。查。著。英。係。蒙。

恩棄瑕錄用。辦理吏務之員。不知威發天良。與桂良等會商辦法。

竟敢不候。

諭旨。擅自回京。實屬辜負。

天恩。惠親王等。請訊明後。即行正法。實罪所應得。臣等擬請。

欽派大臣。前往通州。會同僧格林沁。嚴行審訊具奏。抑或。

飭下僧格林沁。派員將耆英押解來京。交宗人府。會同刑部。嚴訊。

之處。請。

旨。遵行。至惠親王。戴鴻慈。端華。自請治罪。臣彭。蘊章。柏俊。穆蔭。杜翰。

亦難辭咎。應請一併治罪。伏候。

欽定。

殊批○考英親朕棄瑕錄用○委任辦理夷務○乃長惠無能○大局未定○
不候旨擅自回京○不惟辜負朕恩○亦無顏以對天下○實屬自速
其死○著僧格林沁○派員將耆英○鎖赴押解來京○交巡防王大臣
軍機大臣○會同宗人府○刑部○嚴訊具奏○此次朕用耆英○原出於
不得已○冀其有成○雖經惠親王等保奏○實係操縱自朕○無先見
之明○愧恧殊深○惟王等贊襄無方○若不予以薄懲○曷以洽服眾
議○惠親王○著毋庸管理○中正殿雍和宮事務○載垣○端華○均著開
領侍衛內大臣缺○與惠親王一併交宗人府議處○彭蘊章○柏蔭
穆蔭○杜翰○均著交部議處○

諭軍機大臣等○據惠親王等○奏耆英擅自回京○並呈遞信箋○覽

奏實堪詫異。者其本係復罪之員。前因惠親王等奏請。派赴天津辦理夷務。朕念伊尚悉夷情。寬其既往。素瑕錄用。令與桂良。花沙納。妥籌商辦。伊應感發天良。力圖報効。即使逆夷狡獪。猝難開導。亦須悉心籌畫。昨桂良。花沙納。代伊奏請回京。未曾允准。乃竟不候諭旨。先自由津回至通州。聞伊所致僧格林沁信函。畏葸無能。不顧大局。置身事外。殊深痛恨。已有硃諭。令僧格林沁。派員將耆英鎖紐押解來京。交巡防王大臣等嚴訊矣。該大臣接奉此旨。務將耆英派員押解起程。現在撫局未定。難保該夷不肆狂悖。更起兵端。自應先機籌備防剿之策。方不致倉猝失措。該大臣駐紮通州。距津甚近。務當隨時偵探。作速布置。

王駐紮山海關之察哈爾兵一千名。本日已諭令前赴通州。並諭慶祺。迅調盛京兵一千名。飭交玉明統帶。往山海關防堵。以臻嚴密。

又

諭前因通州需兵防堵。疊諭吉林。黑龍江將軍。各調兵五百名。迅速來京。本日據承志奏。吉林官兵業已分作兩起。即日起程。其黑龍江官兵。諒奏山接奉諭旨。亦即迅調來京。著慶祺。飛飭沿途催提兩處官兵。剋日馳赴通州。聽候僧格林沁調遣。毋稍延緩。至山海關駐紮之察哈爾兵一千名。亦著該副都統。飭令迅赴僧格林沁軍營。勿違。山海關地方緊要。著慶祺。迅調盛京官

兵一千名。交協領管帶。飭令前往。交王明統率。如該侍郎尚未
行抵該處。即將此項官兵。交定福暫行管帶。至前調哲里木盟
蒙古兵一千名。並著慶祺就近飭催迅速起程進京。聽候價格
林沁調遣。

又

諭。所有前調昭烏達盟蒙古兵一千名。著英隆飛飭起程進京。聽
候調遣。毋庸俟該盟長會齊。致有耽延。其哲里木盟蒙古兵一
千名。已諭慶祺就近飭催矣。

直隸提督托明阿奏。現在楊村。督辦一切堵禦。瑞麟來
楊會商。趕緊完濠築壘。安設礮位。並製造攔攔。及船木礮。

其礙位一項。已據譚廷襄咨報。由保定府運送。不日即可抵楊。惟查楊村一帶地方。向無大木。茲復與瑞麟公同商酌。飭委楊村廳通判。並天津縣知縣。在天津拆船場內。解運大木。已據該廳縣呈報。現於場內。採得大木百數十根。趕緊運送。一俟木植到齊。即督飭多僱工匠。刻期興工。將木筏造成。妥協安放。沿河要隘。俾該夷船隻。益多阻隔。不能北上。并密探得天津近日夷情。極為叵測。已分佈官兵。妥為防範。一經探報蠢動。即行相機堵截。以阻其北上之路。再本月初三日。瑞麟已由楊村起程回京。是日申刻。耆英亦由楊村經過北上。正在堪指間。適國瑞所帶官

兵於初四日移來楊村。現在會同相度地勢安營。

硃批知道了。

辛巳。

諭內閣。著添派瑞麟。辦理巡防事宜。

欽差大學士桂良。吏部尚書花沙納奏。竊思哄夷逞強情形。早在聖明洞鑒。從前所求之事。已屬萬分無理。迨等接見後。該夷聞來條款。又較從前加增。等萬不敢以不堪入耳之詞。上瀆。

宸聰。且體察該夷詭計。總因向來中國。語多推託。是以無論如何。問導不肯相信。等通籌全局。早夜斟酌。覺決裂之胎。志。

至重。而姑允之。為禍較輕。故至萬不待已。始將大概情形。給與照會。令其不致決裂。蓋以該夷能聽我反覆辯論。然後得以盡言。非一允即不能稍為挽回者也。若有求輒允。並不能用言拒絕。誠如

聖諭所云。事事皆准。何用大臣會議。夫能杜絕將來之釁端。此萬全無弊之上策也。若專顧杜絕將來。而遽任潰敗決裂。不可收拾。又目前之大患也。況津郡密邇。

京畿。易敢輕為嘗試。才等死不足惜。身死而令天下受無窮之禍。

都城有震動之虞。則雖死猶有餘責。現在喫夷才等優待。

之意稍釋疑慮。連日一面密購內綫。破其詐術。一面令隨員等詳細問導。一面囑托俄使。婉轉關說。已較前日繁贅情形稍有不同。津郡人心亦漸安定。詳察夷情。嗣後果能開誠布公。示以寬大。使該夷潛消疑貳。然後剛柔互用。令其不敢逞志。庶可設法羈縻。今日俄使明常前來公館。已將

聖德宣布。令其傳諭普提雅廷。俾知感激。力圖報効。該夷與中國和好有年。亦願改勞宣力。諒可漸冀轉圜也。

諭軍機大臣等。前因夷人所求內地通商游歷。及進京一節。雖桂良等許以緩圖。仍恐貽後日之患。今其囑俄使轉圜。本日據桂

良等奏。憑陳現辦情形一摺。據稱。明知和議既成。必有從而議其後者。然不敢因此而不顧大局。因思兵費一節。原屬無理。惟前許其到粵公論。此時若已許之。毋庸另議。至內地通商。及進京二事。皆不可行。桂良等已知照該夷。未知何如。回覆。據奏。夷現感桂良等優待之意。疑慮稍釋。桀驁亦稍遜於前。該大臣等。既令委員詳細開導。復託俄夷婉轉關說。如有轉機。固好。儻必無挽回之術。亦只可就桂良等所議辦理。不至目前決裂。但此外或尚有不可行之事。續詳要求。則墮其術中。更無把握。必須定議後。即退兵船。並不別生枝節。方可與之定議。准其將詳細章程馳奏。現聞夷人已有占踞村莊之事。防其欲久駐天津。

不可不預為計及。再據宋晉片奏。噶吧。等。等語。著桂良等。妥籌酌量辦理。原片鈔給閱看。

欽差大臣科爾沁親王僧格林沁奏。竊。等。接奉寄

諭。據桂良等奏。英夷要求各款。斷屬難行。連日探報。夷情狡展。而

英咭喇尤為橫恣。巨洲萬分。恐非理喻所能格化。夷船夾

帶潮勇。並鐵鉞等物。自係預備開掘河路。或登陸挖濠築

壘等用。又聞其天津占踞金家窩地方。用該處板廠木料。

打造船隻。其為意圖北犯。形蹟顯然。津門兵勇潰敗之餘。

氣怯心餒。戰守兩不足憑。楊村一帶。托明阿等。帶兵駐紮。

經瑞麟前往籌畫布置。等。現復派弁絡輝查探。並先咨行

托明阿。將該處官剝民船。就近飭令移往子牙河內收泊。
又將通州一帶河路船隻。亦飭地方官查明。派員密往察
看。酌量移泊。現在平家灘一處。挑挖引河。於四月二十九
日工竣。仍留河岸及壩頭各五丈地方。專候臨時開掘。其
河身要害處所。逐日釘椿樹柵。並預備船隻樹株。擇要沈
塞。逐層堵截。牙大營及運河兩岸。築立礮臺數處。尚未工
竣。惟通州城垣坍塌情形甚重。於安礮處所。先行設法補
築。應用一面嚴飭地方官。趕緊興修。牙原帶礮位。均不甚
大。僅可陸路攜帶應用。至各礮臺及城上安設。擬請由京
調撥五千觔以上大礮十餘尊。即日運通。並擬將現在楊

村富勒敦奏所帶八旗漢軍礮營官兵調回通州。激屬用
之。宣化鎮兵於四月二十九日到通。分紮運河西岸。綏遠
城兵於五月初一日八起到通。當經撥赴采育紮營。其續
到密雲官兵五百名。即在河東紮營。以便調撥。天津民氣
本強。此番夷務反側。民情亦大不足恃。此時頒發告示。激
勵鄉團。非但不能有益。恐刻下議撫未定。轉致該夷得所
藉口。且辦理團練。必由地方官吏率同紳士舉行。已由等
咨請巡防王大臣飭令順直所屬津通一帶地方。查照節
奉

頒發章程。並堅壁清野條議。實力辦理。並擬請

旨飭下各部院堂官傳令各衙門官員有願及時報効者具名陟
奏由各堂官選派分赴近京運河一帶各州縣督勸團練
隨時偵察路徑險要地方情形如有奸細潛藏及匪黨窺
伺立即飛稟京營及通州大營派兵剿拏其有各該州縣
本籍堂司各官於該處民情地利熟悉者令赴各該州縣
城鄉密行糾約團練激厲眾心相機行事民情積憤之餘
一有整率之人必當忠義奮興且可臨事知方不致鹵莽
或滋他患事定之日分別獎敘立功者即時保奏優或貽
誤軍情亦即叅効不貸至通州等處官兵因食物昂貴頗
形苦累奉到

諭旨○今○等○覈計酌量加增○當即傳諭糧臺○將該兵丁等應得口分
各例○詳細稟報前來○據上月糧臺所發口分○按照旗兵○每
名每日鹽菜實銀七分四釐九毫有零○綠營每兵每日鹽
菜實銀四分八釐三毫有零○其尚有馬乾米折等項○奉部
定章程○應行折扣○按放鈔票○據該糧臺聲稱○上月未經放
給○因通州糧價昂貴○正在議請改放實銀等因○等○詳加查
覈○計上月所放兵丁口分○合現在通州銀價物價○實屬不
敷食用○若遽將馬乾米折○全行改放實銀○又恐過於浮多○
今擬於上月放過應得鹽菜實銀外○於旗兵○將所應得馬
乾一項○仍行照部六扣之數○每日再行放給實銀一半○合

銀四分八釐。綠營兵將所應得為乾不折各項。概不折扣之數。每日再行發給實銀一斗。合銀三分五釐五毫。計旗兵每日可得實銀一錢二分二釐有零。綠營兵每日可得實銀八分三釐八毫有零。銀數按部章發給票銀。兵丁已可足敷食用。當卽剗飭糧臺遵照辦理。當此逆夷情狀。瞬息。撫局既難有定。現在惟有將籌防一切。日夜趕緊布置。不致稍涉疏虞。

諭軍機大臣等。僧格林沁奏。遵籌布置各情形一摺。所籌挑挖引河。修城安墩。宣化綏遠密雲等兵。分駐運河東西兩岸。及采育等處。布置均屬周妥。其遵議酌增兵丁口分章程。卽著照所議。

辦理○托明阿統帶官兵○駐紮楊村○聞珠勒亨一軍○獨駐河東○恐
非要地○應移紮何處○與各軍聯絡○著僧格林沁○體察情形○妥為
調度○不可以有用之兵○置之無用之地○所請飭各部院堂官○派
員赴各該州縣○辦理團練事宜○已請巡防王大臣○行知各衙門
辦理矣○

又

諭○本日據僧格林沁奏○請飭各部院堂官○派員赴近畿各州縣○辦
理團練等語○著巡防王大臣○查照所議○行知各衙門○分別辦理○
著戶部○右侍郎○宋晉奏○查撫局○在喚夷等○利於緩而不利
於速○緩則可枝節遞生○況伊一面支○口狡黠○一面於城外

及海口。趕修房屋。縱使撫局議成。伊必又以為頭已得為。詞必須酌留首目。不肯舍天津而去。迨我全刀興事。必藉此格外要挾。以他處重地易換。所建房屋之費。另款取償。種種流弊。勢所必至。惟一速字制之。則其伎倆窮矣。該夷各口。皆有領事官。其副領事。必能通漢語。漢文。而精於貿易者。任之。間最為詭譎者。一為嘎吧。上年廣東之事。即其主謀。其次為呼喇。能通漢字。能說京師言語。吉爾杭阿克復上海時。多方籠絡。聘為江海關幕友。名為司稅。奏明在案。每年束修。多至一萬二千圓。起手查察夷人漏稅甚嚴。夷人曾恨之。有照會到滬。以呼喇。如在中國犯罪。即

以中國法律處之。此次到津。仍以此人出面講說者。大抵因其熟悉中國情形。故藉以陵侮其人。貪利多智。然果有能言之人。諭以中國曾有恩與彼。而彼亦曾為各夷所輕。雖聞其心。隱餌以利。則此人不復從中作梗。撫議當易於就範。

壬午直隸總督譚廷襄奏。連日大學士臣桂良等。派員與各夷商酌條約。尚未全行定局。各夷內惟俄首仍屬恭順。味酋漸多要挾。喫喘則倔强如故。前數日有味國所帶潮勇。同一夷兵上岸。闖入民家。被該事主將潮勇捆縛。夷兵逃逸。味國通事率領十餘人。至桂良等寓所聲訴。當經派

員告以係潮勇滋事。因而捆縛。飭令帶還懲辦。該夷謝罪而去。嗣又有英國水師提督登岸閒遊。被不知姓名人在街毆辱。失去衣帽等件。該夷通事率眾百餘。尋找毆辱之人。因被弁兵攔阻。即將弁兵七人拉去。經臣派員告以水師提督違約登岸。民人無從認識。與之理說。並給還夷帽。旋將弁兵放回。本月初六日。忽聞英夷欲上岸陳兵。臣當即督率將領嚴陣以待。該夷於申刻帶領三百人由望海樓至東浮橋一帶列隊行走。音樂前導。礮位後隨。意在誇耀軍容。示其威武。並未進城滋擾。臣亦按兵不動。少時該夷即行回船。此等驕悍情形不一而足。臣日則督兵彈壓。

夜則派弁巡查。一刻不敢放鬆。近地居民尚復紛紛遷避。嘆夷前將望海樓後金家窰回民房屋占踞。塞斷後路。且恐中有埋伏。密派兵勇改裝入內。探明各屋。多係不服水土病人。在內調理。尚無別故。惟近因此事。民間忿忿不平。好事之徒。因而從中簸弄。稱欲爭鬧。希圖有事。乘機搶掠。現已令地方官及紳商人等。剴切曉諭。果係公論難容。臨時必有地方官率領紳民。與之理論。不得私自妄動。徒致債事。若係土匪煽惑。必行拏辦。現時尚屬相安。

硃批。知道了。

盛京將軍慶祺。金州副都統希拉布奏。於三月初

五日接准岑慶祺恭錄

諭旨知會到日當即能飭所屬全州復州熊岳蓋州等城旗民
地方官揀派曉事員弁督同各口岸守汛官員兵役不分
晝夜哨探妥為布置嚴密防範並派候補筆帖式閻邦鼎
馳騎校閻士芳前往各口岸認真稽查已將全州所屬老
水貼岸極要之羊頭窪小平島和尚島石槽皮子窩等五
處海口安設大小礮二十三位除原有守汛官兵外復加
添兵役一百四十六名其餘雙島等十四處海口亦皆加
添兵役密為防範仍揀派精壯官兵閒散在城勤加訓練
以備策應

岑慶祺又准錦州副都統侍順咨稱錦州天橋

廠海口。向係閩廣江浙等省沙島等船前來貿易之區。銷戶較多。是為極要。其馬蹄溝海口。僅有直隸山東商船往來販糧。該處鋪戶較少。是為次要。該二處海口。水淺灘寬。大船停泊處所。距岸三四十里。每遇商船進口。裝卸糧貨。均賴撥船。赴潮挽運。天橋廠海口。原有大小礮六位。足資捍衛。馬蹄溝海口。現由錦州所存之神機神拒礮內。揀選四位。運往安設。應需火藥鐵丸。預備齊妥。運交防海委員。馳騎校富倫布。收存備用。並揀選精壯兵役五百名。內先派兵役六十名。分駐天橋廠。馬蹄溝。二處海口。會同守汛。官兵認真瞭望。嚴密防範。其餘兵役。在城操練。一有警報。

該副都統。即親督在城兵役。星夜馳赴海口。相機堵禦。其所屬甯遠釣魚臺海口。雖係次要。現亦一律布置周備。又據牛莊。岫巖。蓋州。熊岳。復州。旗民地方詳報。遵到親詣各口岸。無論極要次要。分別撥運礮位槍械。加添官員兵役。嚴密布置周妥。各將守城官員兵役。及團練鄉勇。逐日認真操練。以備緩急。又據水師營協領詳報。據派委員帶領兵壯。駕船在於山東奉天搭界洋面。搜賊哨探。如見有夷船蹤影。星飛知會沿海地方官。豫為準備。如無信息。即赴鄰省洋面一帶。詢探確情。隨時稟報。等語。慶祺。仍恐防範稍有不同。前已遣派佐領慶齡。古尼音布。防禦恒麟。先行密

赴各海口。覈實稽查。復在省城各營內。揀選精壯官兵二
千名。派委曾隸戎行之協領佐領驍騎校等官。不動聲色。
認真在營操練。聽候海岸信息。一有警報。即令馳赴海口。
合力防堵。以壯聲威。並密飭濱海各地方。不時偵探瞭望。
俟該夷船駛近口岸。先以善言開導。斷不准遽施槍礮。致
激事端。一面星飛馳報。請慶祺即行飭令派定員弁。管帶
精兵前往相機辦理。

硃批知道了。

甲申。

欽差大學士桂良。吏部尚書花沙納奏。噴夷狡獪非常。所求之事。

每多萬不可行。稍縱則墮其術中。避卻又不能就範。駕馭之難。幾已無術不施。惟擇其患稍速者而姑允之。以為退兵之計。即如兵費一節。該夷本欲在津議賠。商酌許久。方肯由廣東酌辦。然必須將此項議明。既有著落。始能退還廣東省城。遊歷各省州縣一節。雖議明持照前往。然弊端甚大。非不深知。而舌敝唇焦。不能推託。內地通商一節。約至軍務完竣後辦。而目前必欲於鎮江設立馬頭。此次該夷所添各口。不止一處。亦知處處蓋房立棧。彼一時原來不及。而既經允准。將來總必聽其通商。究之往復思維。覺此兩層之可慮。至速亦在二三年後。欲為目前退兵起見。

均屬急不暇擇。獨至進京一層。始云必須先往而後議事。嗣云由京回後。始遣兵船。欲我准其長遠駐京。有事乃可。隨請隨奏。故雖不能見。

大皇帝亦必欲往。現在他國定議。有將來果有要事。准令進京。隨帶不過數人。一年不過一次之條。欲令該夷照辦。乃云各省督撫。朦蔽太甚。必須伊國日有欽差在京。方能得信。迅速。目下他事俱已商定。惟此一節。前雖屢言。總未落實。今經相持數日。等萬不敢允。日來該夷逼迫愈緊。勢不能再事遲延。此時與該夷議明。目前權且不往。先委數員看定寓所。中國代為租賃。俟彼此互換條約後。始由該國簡

派欵差前來。約計總在一年以外。每年不過二三十人。一切費用。均由該夷自備。全與中國無干。京城各處。除宮禁要地。不准往來。其餘各處。任行無阻。文移會晤。可與大學士平行。並於天津租賃房屋一所。與官員學生居住。事關重大。斷不敢輕易擅許。等再四商酌。夷情反覆無常。久則更恐別生枝節。儻能善為羈縻。即有數十夷人在京。尚易防範。且目前不往。暫將兵船退卻。使我得稍舒一步。再圖設法布置。亦尚有措手之時。等說定之後。必須允退兵船。方能與之定議。現在俄味兩國條約已定。英佛兩夷。毋思入城居住。雖未占踞村莊。而強住民房。時時肇起。

覺端多纏一叩更添無窮之憂慮誠如

聖諭不可不豫為計及據等意見夷情本屬犬羊向來最苦中國藐視故欲得駐京師以示體面但能派員妥為照料或者由感生悔可釋從前疑憤即或不安本分人數不多亦可鈐制然該夷詭詐多端是否有深意存乎其間等不敢自謂確有把握也當此兩難之時計無所出以時勢而論斷不可任其決裂惟有仰求

皇上天恩密授機宜俾等得以遵辦一俟
命下即便趕緊定議以免又有他說

桂良等又奏郎中蘇彭阿於初八日將俄羅斯達喇嘛巴

往第送至天津。已派員帶往該夷船內。此時俄夷感激
皇上格外天恩。願送中國火槍一萬桿。各項礮位五十尊。送至大
沽海口。內地自駕沙船運接。以表酬謝之忱。求等代奏。
並云。嗣後夷患極宜豫防。海口礮臺萬不足恃。伊擬備文
回國。令派修造礮臺。並教兵技藝。及看視金銀礦苗各官。
前來中國。代為剴備一切。實係感激國報。萬無他意。不必
見疑。等語。連日接見該夷。與之深談。見其出於至誠。俟該
夷首領文轉求。即擬據情代奏。此番夷船退後。必須趕緊
設法備邊。所有沿海各口。務當力圖整頓。庶可亡羊補牢。
諭軍機大臣等。桂良。花沙納。奏夷將次就範。現擬從權辦理一

摺。奏。所。求。各。條。種。種。皆。貽。後。患。如。內。地。通。商。一。節。原。議。軍。務。完。竣。再。辦。而。該。夷。即。欲。於。鎮。江。先。立。馬。頭。可。見。步。步。進。占。所。求。無。厭。現。在。該。夷。滋。擾。海。口。海。運。已。難。踵。辦。勢。不。可。不。改。由。河。運。若。復。任。其。盤。踞。鎮。江。則。河。運。亦。難。辦。理。實。為。大。患。可。明。白。曉。諭。告。以。鎮。江。地。方。連。年。皆。遭。兵。火。民。情。尚。未。安。貼。亦。無。殷。實。商。人。在。彼。若。驟。立。馬。頭。置。棧。積。貨。不。但。不。能。銷。售。且。難。保。無。爭。奪。口。舌。之。事。設。或。彼。此。不。能。相。安。轉。致。有。傷。和。好。是。以。必。須。軍。務。完。竣。方。可。定。議。並。非。托。故。遲。延。又。如。游。歷。各。省。州。縣。一。節。雖。議。明。待。照。前。往。僅。與。民。人。口。角。鬪。毆。或。迷。失。傷。亡。中。國。地。廣。人。多。不。能。盡。察。須。先。與。之。言。明。方。免。日。後。又。費。唇。舌。至。進。京。一。節。他。國。

所議。但言有事進京。而嘆夷必欲在京久駐。且自居欽差名目。其窒礙之處。尤不勝言。當告以有事進京。既經允許。則遇有大事。儘可來京面訴。何必留人遠駐京師。若必欲駐京。則俄夷成例具在。但能派學生留駐。不能有欽差名目。須改中國衣冠。聽中國約束。專令學習技藝。不得與聞公事。於爾國亦無大益。況各口通商。各有督撫。嗣後若有要事。不拘何處。皆可由本省督撫。代為轉奏。不必向廣東欽差理論。自不至有蒙蔽之處。即與駐京同其便捷。以上各層。均可聽其自擇。桂良等已託俄夷代為轉圜。無論如何為難。必須將此事阻止。俄夷既感激出力。其好勝之心。當可激發。即與之言爾國多年和好。尚止學生在京。

從無欽差往京之事。今嘆夷尚未交還廣東。如何先議入城。豈不轉在俄國之上。託其從中設法。即不能罷進京之議。亦須廣東事了。再行詳細議定。如何禮節。彼此允協。方能定約。至天津海口。斷不可許其往來。將來定議進京。亦止能自上海起。由內地北來。由中國派官護送。一切供應。俱由中國辦理。不必令其自備資斧。以從武三年一次。五年一次來京。不必年年跋涉。如能借俄夷轉運。其先來京城。看定寓所。及在天津租賃房屋之處。俱毋庸議。至鎮江設立馬頭。於漕運有礙一層。不必向俄夷實告也。俄夷欲送槍礮。既出真心。可告以送來之時。必當收受。將來亦必以禮相酬。正可藉此籠絡。示以不疑。以冀為我所用。

不可露中國急需此項之意。致啟輕視之心。其欲令人來教導技藝。踏看礦苗。均著婉言回覆。勿許為要。

內閣學士烏爾。奏。於五月初一日。行抵德州。適山東委員鹽運使陳景亮亦到。當會同前赴四女寺支河察看。該壩口門坎高。運河水面一丈五尺。壩內洩水支河深。有六尺。河身寬有六丈。兩岸堤工尚屬完固。河身乾涸。即由河身內查看上游。寬深不一。詢之德州知州張應翔。據稱。向來伏汛漲水。至一丈三尺。開挖壩口洩水。由支河入海。咸豐四年。曾宣洩運河漲水。近年水勢較小。未曾宣洩。以致間有淤墊。堤工亦有缺口。壩口距海有三百餘里。

須挑挖修築方能順流入海等語。因東昌府減水壩二處急須生勦。未能於支河入海處所周細詳查。即飭所帶隨員於下游河身逐細詳察。俟查勘確切。與水利農田一無窒礙。即會同山東委員於四女寺壩口一面相度地勢。辦理一面奏。

聞總期可斷來源。無拂輿情。以仰副

聖主慎重河防。保愛黎元至意。於初五日行抵東昌府。查得馬頰河之減水壩。河溝水勢淺小。閘外運河水高數尺。即責令該管知縣將閘板提掣。頃刻之間。水洩尺許。其徒駭河之減水壩口門甚屬通暢。順溜下行。亦收宣洩之効。復將

梁紳土橋二閘。下板堵截。以來水勢。並行文山東運河道。
轉飭各閘官。凡有近湖開壩。即趕緊起板。洩水入湖。無可
旁洩之閘。即下板停蓄。不得任其下溢。如遇伏汎漲發。應
仍由該管官。相度水勢。照例辦理。如此權宜設法。上游無
可添漏。下游自有減無增。謹繪圖貼說。恭呈

御覽。

硃批。知道了。圖留覽。

籌辦夷務始末卷之二十五